



UNIVERSITÄTS-  
BIBLIOTHEK  
PADERBORN

**Selectae Christiani Orbis Deliciae ex Urbibus, Templis,  
Bibliothecis, et aliunde**

**Sweerts, Pierre François**

**Coloniae Agrippinae, M. DC. IIX.**

Veronensia.

---

[urn:nbn:de:hbz:466:1-69234](https://nbn-resolving.org/urn:nbn:de:hbz:466:1-69234)

---

 VERONENSIA.
 

---

 IN VERONAM IVL. CAES.  
 SCALIGER.

**I** Talia canimus semper florentis ocellum,  
 Calliope nequeat grandius vlla loqui.  
 Aucta Deis, auctura poli Verona Quirites:  
 Quot ciues, tot habens sidera digna Ioue.  
 Non animi, non ingenij vigor acrior vsquam.  
 Nulla creat plures Martia terra duces.  
 Transferre in caelum voluit sibi Iuppiter. Atqui  
 Clarior in nostris maluit esse locis.

IN NOVA VRBIS PORTA.

VERONA non minus nobilis, quam antiqua  
 ciuitas, ac prisca virtutis memor, Venetae Re-  
 publ. beneficio, non solum muros, iniuria tempo-  
 ris corruptos, in melius restituit; sed ea quoque si-  
 bi templorum, viarum, pontium ac portarum or-  
 namenta adiecit; vt publicorum aedificiorum ma-  
 gnificentiam, nulli urbium postponenda videatur.  
 Tantum illi profuit bonorum Principum tutela  
 ac fauor.

 IN PONTE NOVO AD  
 ATHESIN.

Qui fluminis vim passus annos plures iacuerat,  
 ciuitatis ornamento & commodo pons tandem  
 est restitutus.

EX ALTERA PARTE.

Fluminis impetu disiectum pontem, diligentia  
 AEmi

AEmi penè restitutum, FRANCISCI FOSCARIS  
successoris cura perfecit.

## IN CATHEDRALI.

LVCI, Luca tibi dedit ortum, Pontificatum

Ostia, Papatum Roma, Verona mori:

Imò Verona dedit tibi lucis gaudia, Roma

Exilium, curas Ostia, Luca mori.

Obijt S. Pater DD. LVCIVS Papa III.

Die xxv. Nouemb. Anno M. C. LXXXV.

## COTTAE.

Sperabas tibi culta nouum, Verona, Catullum:

Experta es veros bis viduatà Deos.

Nulla animum posthac res erigat, optima quando

Prima rapit celeri Parca inimica manu.

Qua tamen vt vidit morientes frigida COTTAE

Ora, suum fassa est crimen, & erubuit.

## IN MARIA ANTIQVA.

## CANIS MAGNI DE SCALA.

Si CANIS hic grandis ingentia facta peregit,

Marchia testis adest, quam seuo Marte subegit:

SCALIGERAM qui laude Domum super astrà  
tulisset,

Maiores si parca dies infida dedisset;

Hunc Iulij geminata dies vndena peremit,

Iam lapsis septem quater annis mille trecentis.

## MARCI ANTONII TVRRIANI.

Ante annos sciuisse nocet. nam maxima virtus

Peruasit morti, vt crederet esse senem.

## MASTINI SCALIGERI.

*SCALIGERA* de gente fui, celebrique ferebar  
 Nomine *MASTINVS*, claras dominabar in vrbes.  
 Me dominum Verona suum, me Brixia vidit,  
 Parmaq, cum Luca, cum Feltro Marchia tota  
 Iura dabam populis equo libramine nostris  
 Omnibus, & fidei, & Christi sine sorde secutor.  
 Occubui primò post annos mille trecentos,  
 Et decies quinque heu lux ibat tertia luni.

## AD S. ANASTASIVM.

Illustri *LEONHARDO* ex antiquis. Imperia-  
 libus Bauariæ regulis, Comiti in Ortenburg, indo-  
 lis & sper incomparabilis iuueni, hanc moeroris  
 & amoris sedem superstites sorores Veronica &  
 Anna-Maria proh dolor contra votum dedica-  
 runt: authore agnato Ioachimo, eiusque filio An-  
 tonio procurante. Obijt die XVI. Iulij, Anno  
 M. D. LXI. Sux ætatis vnde vigesimo, cum ex gym-  
 nasio Patauino hanc sibi fatalem auram pauculos  
 dies captasset.

## D. O. M.

*IANVS FREGOSIVS LIGVRVM* Princeps,  
 ac Venetæ Reipub. terrestrium copiarum omnium  
 præf. vbi fortis. Ducis officia domi forisque præ-  
 stitisset, hac H. T. F. I. Hercules F. paternæ pietatis  
 memor P.

## AD S. FIRMVM.

*TOSSELLO SORAYNAE I. C.* quod Veronæ  
 patriæ antiqua monumenta conscripserit, &  
 pec

perquisuerit, eaque ab edacitate temporis eripuerit, suorum quoque ciuium gesta conscripserit, & æternitati consecrauerit, S. P. Q. Veron. B. M. Ciui DD.

## AD PROCVLI.

Quod NICOLAI BARBADICI opera, consilio, liberalitate, solertia, difficilimo pestilentiae tempore, Verona sit periculo liberata: urbano prouisum otio: plebis egestati annonae consultum: praetorium magnifice resectum: obscuriores carceres illustrati: amphitheatri arena fordibus purgata: praetura denique praclarissime administrata: id NICOLAVM BARBADICVM bene & de ciuium commodo, pro sua maiorumque suorum dignitate, posterorumque exemplo benegerendae praeturae fecisse, sibi que grata & esse & fore, testatum est D. Zenonis suburbium. M. D. XXXVI.

## IN AMPHITHEATRO.

IACOBO FOSCARENO.

Quod amphit. instaurandum curauit, quodque eius prudentia in max. Italiae frumenti inopia, vna Verona abundauit, Praetori, patrique opt. Veron. D. P. M. D. LXX.

## IBIDEM.

HIERONYMO MAMOREO V. C. cuius incredibili studio iam urbi praest, quod temporum iniuria huc amphitheatro perierat, reddi coeptum est. Veronenses PP. M. D. LXIX.

## IN AREA PRAETORII.

ZACHARIAS BAR. Eq. Veronen. Præf. nonnullas in agro, tres in vrbe arces instaurauit: Prætorium hoc sublicium marmoreum fecit, forum ampliauit, curiam ædificauit, in penuria annonæ famem defendit, Rempubicam integrè gessit, æquale ius omnibus dixit. Eius discelsum populus lacrymis declarauit. M. CCCC. LXXVI.

## MANTVANA.

IN MANTVAM IVL. CAES.  
SCALIGER.

**M**axima cū veteri turgeret Hetruria regno,  
Sceptraque terrarum iungeret andæ  
mari:

Mole noua tumuit, solisq; excreuit auitis,  
Vt premeret forti iura aliena pede.

Inde est in superas deducta colonia terras:

Non tamen his potuit MANTVA tota dari.

Clara viris, felix ducibus, diuo inclyta cycno,

Quem vitreis aluit Mincias Andis aquis.

MANTVA diues auis magno non cesserit orbi,

Tota tamen parte hac vincitur ipsa sui.

## IN AEDE CATHEDRALI.

Aduentare mihi extremam dum suspicor horum,  
Osibus hanc posui viuis in aede domum.